



UNIVERSITÄTS-
BIBLIOTHEK
PADERBORN

Repetitio Clem. I. Ut Clericorum De Officio Ordinarii

Aufréri, Étienne

Leodii, 1702

27. Fallentia.

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

sum iudicis ecclesiastici auctor noster conscripfit,
quando is requirit familiam iudicis laici infra
de potestate ecclesiastici iudicis, fall. 26. nu. 20.
Matth. Boys Doct.

27. Fallentia.

27. fallit quando iudex secularis astringitur ad exequendum sententiam iudicis ecclesiastici super causa criminali latam. Nam tunc iudex secularis potest cognoscere de iusticia processus, per §. si vero crimen. in Authen. de sancti. episc. in ver. prator. causa cognita, & loquitur de mandato facto per ecclesiam iudici seculari, ad idem gloss. in ver. per Episcopum in Authen. clericus C. de Episc. & Cle. & tenet Barto. in l. Divus 2. ff. de custo. reo. & idem Bar. Bald. & Pau, de Cast. in l. magistratibus ff. de juri. omn. judi. & Barto. in l. non dubium. ff. de custo. reo. & in l. si. in fi. princi. ff. si quis jus dicenti non obtempera. & Antho. in cap. 1. de obl. ad ratio. & ista est communis opinio legistarum, quæ tamen procedit in criminibus mixtis, puta sacrilegio & similibus de quibus in cap. cum sit generale, & dictum est supra.

Propterea dico, quia in crimine hæresis hoc non procederet, ut in cap. inquisitionis §. prohibemus, de hære. ubi est casus in hæretico condemnato per iudicem ecclesiasticum, quia secularis tenetur exequi simpliciter ejus sententiam, & ideo opi. Bart. de qua supra qui in allega. l. magistratibus posuit exemplum de hæretico est contra prædictum §. prohibemus, & idem tenent Sicul. & Doct. in cap. ad abolendam

dam de hæreti. Bald. in allegat. Authen, clericus Ang. in dicta. l. magistratibus. & in alleg. l. Divus. & Sicul. in cap. si. de statu mona.

Adde Sicul, in præalleg. cap. 1. qui dicit se putare quod *dictus §. prohibemus* procedat in alijs criminalibus merè ecclesiasticis; veruntamen alias ego vidi servari contrarium in persona fratris Petri Ioan. Ordinis Minorum, qui postquam fuit actualiter degradatus, fuit examinatus in curia parlamenti, & facta examinatione, viso processu & sententia iudicum delegatorum, attentaque degradatione die præcedenti facta, fuit condemnatus ultimo supplicio, & publice decapitatus tanquam laicus.

Vnde Sicul. in allegat. cap. at si clericici. & Anthon. ubi supra tenent quod in alijs criminibus ab hæresi & causis civilibus iudex sæcularis non tenetur stare processui iudicis ecclesiastici, nec e contra. Et acta facta coram uno fidem non faciunt coram alio. Quod in criminibus mixti fori procedat indubiè, sed non respectu causarum civilium, propter *capitu. fin. de excep. libro. 6.* Nisi sententia esset evidenter nulla, tenet *Petrus de Ancha. consilio. 283 incipiente resento ordine dubiorum,*

Restat igitur conclusio quod in criminalibus alijs ab hæresi iudex sæcularis non tenetur stare processui iudicis ecclesiastici. Adde quod si Episcopus invocat Brachium sæculare contra clericum suum, qui tamen ab eo ex probabilibus causis ad Sedem Apostolicam appellavit princeps vel iudex sæcularis non

debet eum juvare, ita tenet Oldra. consilio 89 & movetur quod eidem Episcopo postquam est appellatum, ab eo subditus potest ei resistere. *C. de jure fisci. l. prohibitum libro decimo. immo procedendo appellatione pendente, videtur superiori injuriam facere, 2. quæstion. 1. cap. nomen.* immo procedens peccat & punitur, *2. quæstione 6. cap. Decreto, cum tribus capitibus sequentibus, cap. de priore. de appellat. l. quoniam judices, C. de appellat.* ubi dicitur quod Officialis non resistens pertinaciter judici non recipienti appellationem punitur 30. pondo auri, & ibi secundum Oldra. est casus ad id quod supra.

Et qua lege forte sustineri possit, quod judex temporalis possit impedire executionem sententiæ præsertim irretractabilem, à qua fuisset ad Sedem Apostolicam appellatum, donec revelandi tempus elapsum extiterit, quod sæpe numero fieri vidi, ad quod adduci possent quæ scripsi supra in 30. fallent. secundæ regulæ, sed istud nollem pertinaciter sustinere metu violationis ecclesiasticæ libertatis & perturbationis jurisdictionis Ecclesiæ.

28. Fallentia

Vigesimo octavo, fallit in appellatione interposita ab Episcopo, vel quovis alio Prælato Ecclesiastico, qui cognovit, ut delegatus Principis, vel alterius judicis sæcularis, ut in *authent. si quis litigantium, & ibi Bald. C. de Episcopa. audien.*